

magis appropinquet: Quod de perturbationibus Reip. inuehitur, plane calumniosum est in Fraternitatem: Nihil enim ex illis quispiam perturbat, ne minimo in Remp. iniuriosus: nec credo illa omnia, quæ à calumniatoribus dicuntur, alicui statui tantillum nocere posse: Sunt enim ficta & excogitata in calumniantium cerebro, eorumq; linguis in aerem effusa, nec ullius veritatis, nec efficaciam: Sint, qualiacunq; velint, redeant ad suos authores, illorumq; iugula premant, quia ad Fraternitatem non magis spectant, quam conuictia ad illum, qui iis oneratur & læditur: Si de iniuriis sibi illatis conquerendum sit, id maxime Fraternitati incumbit, non iniuriantibus: Quod tam multæ sint hæreses in Christiano orbe, an sacræ literæ propterea incusandæ sunt, vel abiiciendæ, vel prohibendæ omnino? Absit, quia hominum peruersitas, illis abutens potius coercenda foret: Ita quid hoc ad Fraternitatem, quod multi in ipsam blasphemias conuehant, & calumnias spargunt? Si accusare satis foret, nemo non rei nomen assumeret à quolibet auctore: Si calumniari

M S suffi-